

ՊԵՏՈՒԹՅԱՆ ԿՈՂՄԻՑ ԴՐԱՄԱՇՆՈՐՀԻ ՁԵՎՈՎ ՏՐԱՄԱԴՐՎՈՂ ՖԻՆԱՆՍԱԿԱՆ ԱԶԱԿՑՈՒԹՅԱՆ
ԳՈՒՄԱՐՆԵՐԻ ՕԳՏԱԳՈՐԾՄԱՆ ՄԱՍԻՆ ՊԱՅՄԱՆԱԳԻՐ
«ԴՏՊ-1160-11009/Ե»

Քաղ. Երևան

21 « 01 » 2022թ.

Հայաստանի Հանրապետության աշխատանքի և սոցիալական հարցերի նախարարությունը, ի դեմս գլխավոր քարտուղար **Սամվել Մուրադյանի** (այսուհետ՝ պետական մարմին), որը գործում է պետական մարմնի կանոնադրության հիման վրա, մի կողմից, և «Լիարժեք կյանք» նեոարական հասարակության խթանման ՀԿ-ը, ի դեմս նախագահ **Սուրեն Մաղաքյանի** (այսուհետ՝ կազմակերպություն), որը գործում է կազմակերպության կանոնադրության հիման վրա, մյուս կողմից (այսուհետ՝ միասին՝ կողմեր), հիմք ընդունելով Հայաստանի Հանրապետության կառավարության 2021 թվականի դեկտեմբերի 23-ի N 2121-Ն որոշումը (այսուհետ՝ որոշում), «Տեսողության խնդիրներ ունեցող անձանց սոցիալ-հոգեբանական վերականգնում» ծրագրի (այսուհետ՝ ծրագիր) իրականացման նպատակով կնքեցին սույն պայմանագիրը (այսուհետ՝ պայմանագիր)՝ հետևյալի մասին.

1. Պայմանագրի առարկան և գինը

1.1. Սույն պայմանագրով պետական մարմինը պարտավորվում է ծրագրի իրականացման նպատակով պայմանագրի 5.1 կետով սահմանված կարգով կազմակերպությանը հատկացնել որոշմամբ նախատեսված՝ գումարից մինչև **7 430 000 (յոթ միլիոն չորս հարյուր երեսուն հազար) ՀՀ դրամ**, իսկ կազմակերպությունը պարտավորվում է ծրագիրն իրականացնել որոշմամբ և սույն պայմանագրով սահմանված կարգով:

1.2. Ծրագրով նախատեսված՝ կազմակերպության կողմից իրականացվելիք միջոցառումները (այսուհետ՝ միջոցառումներ) ներկայացված են սույն պայմանագրի հավելվածում 1-ում: **Ծրագիրը իրականացվում է Երևան քաղաքում՝ ամսական 18 տեսողության խնդիրներ ունեցող (չտեսնող) անձանց համար:**

1.3. Պայմանագրի գինը կարող է փոփոխվել երկկողմ համաձայնությամբ՝ պայմանագրի 9.7 կետի համաձայն նոր համաձայնագիր կնքելու դեպքում:

2. Կողմերի իրավունքները և պարտավորությունները

2.1. Պետական մարմինն իրավունք ունի՝

2.1.1. ցանկացած ժամանակ (այդ թվում՝ ՀՀ ֆինանսների նախարարության միջոցով) ստուգելու կազմակերպության կողմից իրականացվող միջոցառումների ընթացքը և որակը՝ առանց միջամտելու վերջինիս գործունեությանը.

2.1.2. որոշմամբ սահմանված պահանջներին չհամապատասխանելու դեպքում չընդունելու իրականացված միջոցառումները՝ իր հայեցողությամբ սահմանելով թերությունների անհատույց վերացման ողջամիտ ժամկետ, և կազմակերպությունից պահանջելու վճարել սույն պայմանագրի 6.2 կետով նախատեսված տուգանքը.

2.1.3. առանց իրականացված միջոցառումների արդյունքների դիմաց գումար տրամադրելու՝ միակողմանի լուծելու սույն պայմանագիրը և պահանջելու հատուցել պատճառված վնասները, եթե՝

ա. կազմակերպությունը ժամանակին չի սկսում ծրագրի իրականացումը, կամ ծրագրի իրականացման ժամանակ ակնհայտ է դառնում, որ այն պատշաճ՝ պայմանագրով սահմանված կարգով և ժամկետներում չի իրականացվելու,

բ. կազմակերպությունը երկու և ավելի անգամ խախտել է ծրագրով նախատեսված առանձին միջոցառումների իրականացման ժամկետները (միջոցառումների իրականացման ժամկետներ նախատեսված լինելու դեպքում),

գ. իրականացված միջոցառումները չեն համապատասխանում ծրագրով սահմանված պահանջներին.

2.1.4. սույն պայմանագիրն ՀՀ օրենսդրությամբ կամ սույն պայմանագրով նախատեսված հիմքերով լուծելու դեպքում պահանջելու իրեն հանձնել անավարտ միջոցառումների արդյունքները:

2.2. Կազմակերպությունն իրավունք ունի՝

2.2.1. իրականացված միջոցառման արդյունքը պետական մարմնի կողմից ընդունվելու դեպքում պահանջելու վճարել իրեն հասանելիք գումարը.

2.2.2. պետական մարմնի կողմից գումարները չվճարվելու դեպքում միակողմանի լուծելու սույն պայմանագիրը և պահանջելու հատուցել իրեն պատճառված վնասները:

2.2.3 նախարարության համաձայնությունը ստանալու դեպքում՝ կատարել ՀՀ պետական բյուջեից տրամադրվող ֆինանսական միջոցների հողվածային վերաբաշխում՝ բայց ոչ ավել, քան ֆինանսական առաջարկի ծախսային յուրաքանչյուր հողվածի 10%-ի չափով:

2.3. Պետական մարմինը պարտավոր է՝

2.3.1. ծրագրով նախատեսված դեպքերում աջակցել կազմակերպությանը.

2.3.2. կատարել ծրագրի (առանձին միջոցառումների) իրականացման մոնիթորինգ՝ անհրաժեշտության դեպքում համագործակցելով այլ պետական կառավարման մարմինների հետ.

2.3.3. իրականացնել ծրագրով նախատեսված այլ աշխատանքներ.

2.3.4. իրականացված միջոցառման մասին ներկայացված կատարողական հաշվետվությունների վերաբերյալ համապատասխան որոշում ընդունել պայմանագրի 4.2 կետում նշված ժամկետում:

Եթե ներկայացված հաշվետվությունների համաձայն իրականացված միջոցառումը համապատասխանում է ծրագրի և սույն պայմանագրի պահանջներին, ապա դրանք ընդունվում են:

2.4. Կազմակերպությունը պարտավոր է՝

2.4.1. իրականացնել ծրագրի շրջանակներում պետական մարմնի կողմից տրամադրված գումարների՝ Հայաստանի Հանրապետության հաշվապահական հաշվառման N 20 ստանդարտի դրույթներին համապատասխան հաշվառում.

2.4.2. պայմանագրով նախատեսված ֆինանսական միջոցներն օգտագործել ծրագրով և (կամ) սույն պայմանագրով սահմանված նպատակներով ու չափաքանակներով.

2.4.3. կատարել պետական մարմնի կողմից բացահայտված թերությունների վերացման նպատակով տրված ցուցումները.

2.4.4. սույն պայմանագրով սահմանված կարգով մինչև հաշվետու **ամսվան հաջորդող ամսվա 10-ը, իսկ դեկտեմբեր ամսվա համար մինչև դեկտեմբերի 20-ը, պետական մարմին ներկայացնել հանձնման-ընդունման ակտը՝ համաձայն սույն պայմանագրի N 5 հավելվածի և հաշվետվությաններ համաձայն սույն պայմանագրի N 2 և 3 հավելվածների**, ներկայացնել միջոցառումների իրականացման մասին հաշվետվություններ (այդ թվում եռամսյակային հաշվետվություն) մինչև հաշվետու ժամանակահատվածի **հաջորդ ամսվա 10-ը, իսկ դեկտեմբեր ամսվա և 4-րդ եռամսյակի համար մինչև դեկտեմբերի 20-ը:** Ծրագրի ավարտից հետո՝ 10 աշխատանքային օրվա ընթացքում ներկայացնել ամփոփ հաշվետվություն:

2.4.5. սույն պայմանագրի գործողության ընթացքում ապահովել ծրագրի իրականացմանը վերաբերող փաստաթղթերին ծանոթանալու պետական մարմնի հնարավորությունը՝ վերջինիս կողմից գրավոր պահանջ ստանալու օրվանից 5 աշխատանքային օրվա ընթացքում.

2.4.6. պետական մարմնի կողմից առանձին միջոցառումների իրականացման մասին հաշվետվությունները չընդունվելու դեպքում կազմակերպությունը պարտավորվում է անվճար՝ պետական մարմնի կողմից սահմանված ողջամիտ ժամկետում վերացնել արձանագրված անհամապատասխանությունները.

2.4.7. Պայմանագրով սահմանված միջոցառումների տարեկան արդյունքները թերակատարելու դեպքում, դրա արդյունքում առաջացած գումարները վերադարձնել ՀՀ պետական բյուջե՝ մինչև տվյալ բյուջետային տարվա նախավերջին աշխատանքային օրը:

2.4.8. Սույն պայմանագրի 4.1-րդ կետով սահմանված հանձնման-ընդունման ակտի հետ միաժամանակ Նախարարություն ներկայացնել կատարված փաստացի ծախսերի վերաբերյալ ՀՀ ֆինանսների և էկոնոմիկայի նախարարի 2007 թվականի հունվարի 9-ի N 5-Ն հրամանով սահմանված տնտեսագիտական դասակարգման սինթետիկ հաշվառմամբ հաշվետվությունը՝ համաձայն սույն պայմանագրի N 3 հավելվածի: «Հաշվետվությանը կից անհրաժեշտ է ներկայացնել ՀՀ պետական բյուջեից փոխհատուցման ենթակա գումարների մասով կատարված ծախսերը հիմնավորող փաստաթղթեր, ինչպես օրինակ՝ հաշիվ ապրանքագրեր, վճարման հանձնարարականներ, աշխատաժամանակի հաշվարկի թերթիկ, աշխատավարձի հաշվարկի կամ վճարման տեղեկագրեր, ճանապարհածախսերի փոխհատուցման թերթիկ և այլն»:

3. Մոնիթորինգը

3.1. Նախարարությունը ծրագրի իրականացման նախնական, ընթացիկ և վերջնական արդյունքների համապատասխանության նպատակով իրականացնում է մոնիթորինգ:

3.2. Մոնիթորինգն իրականացվում է Նախարարության և/կամ նրա կողմից լիազորված կազմակերպության կամ անձի կողմից բացառապես նախօրոք մշակված հարցաթերթի միջոցով և/կամ ըստ անհրաժեշտության՝ առանց հարցաթերթի:

3.3. Մոնիթորինգի իրականացման ընթացքում բացահայտված թերացումների ու բացթողումների շտկման նպատակով կազմակերպությանը տրվում են ցուցումներ և առաջարկություններ:

3.4. Նախարարությունը ցանկացած ժամանակ կարող է կատարվող գործողությունների շրջանակներում իրականացնել մոնիթորինգ՝ ուսումնասիրելով գործողություններին առնչվող ցանկացած փաստաթղթեր և նյութեր, ինչպես նաև կապ հաստատելով ծրագրի շահառուների հետ՝ նրանց շրջանում հարցում և եզրակացություն տալու նպատակով՝ առանց կազմակերպությանը տեղեկացնելու կամ ներգրավելու այս գործընթացում:

3.5. Մոնիթորինգի իրականացման ընթացքում կազմակերպությունից կարող են պահանջվել գրավոր ու բանավոր պարզաբանումներ և բացատրություններ:

3.6. Եռամսյակային հաշվետվությունների ներկայացված և համապատասխան հիմնավորող փաստաթղթերի հիման վրա բոլոր արդյունքային ցուցանիշների կատարողականը գնահատվում է համապատասխան վարչության կողմից՝ ըստ անհրաժեշտության ամփոփ վերլուծությունների և մոնիթորինգի վարչության հետ համատեղ:

4. Պայմանագրի արդյունքի հանձնման և ընդունման կարգը

4.1 Պայմանագրի արդյունքն ընդունվում է պետական մարմնի և կազմակերպության միջև հանձնման-ընդունման ակտի ստորագրմամբ:

Մինչև պայմանագրով ստանձնված պարտավորությունների կատարման համար նախատեսված օրը ներառյալ կազմակերպությունը էլեկտրոնային համակարգի միջոցով պետական մարմնին է տրամադրում իր կողմից ստորագրված՝ հանձնման-ընդունման ակտը (հավելված N 5) և հաշվետվությունը: Ընդ որում կազմակերպությունը հանձնման-ընդունման ակտը չի կնքում, հաստատում է էլեկտրոնային ստորագրությամբ՝ լրացնելով միայն այն սյունակները, որոնք վերաբերում են իր տվյալներին:

4.2 Եթե իրականացված միջոցառումը համապատասխանում է պայմանագրի պայմաններին, պետական մարմինը պայմանագրի 4.1 կետում նշված փաստաթղթերը ստանալու օրվան հաջորդող աշխատանքային օրվանից հաշված 10 աշխատանքային օրվա ընթացքում ստորագրում և էլեկտրոնային համակարգի միջոցով կազմակերպությանն է տրամադրում իր կողմից ստորագրված հանձնման-ընդունման ակտը:

4.3 Եթե իրականացված միջոցառումը կամ դրա մի մասը չի համապատասխանում պայմանագրի պայմաններին, ապա պետական մարմինը չի ստորագրում հանձնման-ընդունման ակտը և պայմանագրի 4.2 կետում նշված ժամկետում էլեկտրոնային համակարգի միջոցով կազմակերպությանը հետ է վերադարձնում հանձնման-ընդունման ակտը՝ նշելով դրա չստորագրման համար հիմք հանդիսացած անհամապատասխանությունը: Սույն կետի կիրառման դեպքում պետական մարմինը ձեռնարկում է նման իրավիճակի համար պայմանագրով նախատեսված միջոցները և կազմակերպության նկատմամբ կիրառում է պայմանագրով նախատեսված պատասխանատվության միջոցներ:

4.4 Եթե պայմանագրի 4.2 կետով սահմանված ժամկետում պետական մարմինը չի ընդունում պայմանագրի 4.1 կետում նշված փաստաթղթերը կամ չի մերժում դրա ընդունումը, ապա իրականացված միջոցառումը համարվում է ընդունված և պայմանագրի 4.2 կետով սահմանված վերջնաժամկետին հաջորդող աշխատանքային օրը պետական մարմինը էլեկտրոնային համակարգի միջոցով կազմակերպությանն է տրամադրում իր կողմից ստորագրված հանձնման-ընդունման ակտը:

5. Վճարման կարգը և ժամկետները

5.1 Կազմակերպությանը վճարումները կատարվում են հանձնման-ընդունման ակտի հիման վրա՝ սույն պայմանագրի վճարման ժամանակացույցով (հավելված N 4) նախատեսված ամիսներին, ըստ պայմանագրի շրջանակներում փաստացի իրականացված միջոցառումների կատարման արդյունքի:

Եթե արձանագրությունը կազմվում է տվյալ ամսվա 20-ից հետո և այդ ամսում վճարման ժամանակացույցով նախատեսված են ֆինանսական միջոցներ, ապա վճարումն իրականացվում է մինչև 30 աշխատանքային օրվա ընթացքում, բայց ոչ ուշ, քան մինչև տվյալ տարվա դեկտեմբերի 30-ը, եթե ծրագրով սահմանված չեն վճարումների կատարման այլ կարգ և (կամ) ժամկետներ:

6. Կողմերի պատասխանատվությունը

6.1 Կազմակերպությունը պատասխանատվություն է կրում սույն պայմանագրով ստանձնած պարտավորությունների չկատարման կամ ոչ պատշաճ կատարման համար:

6.2 Պայմանագրի N 1 հավելվածում նշված ծրագրին չհամապատասխանող պարտավորություն իրականացնելու յուրաքանչյուր դեպքում կազմակերպությունից գանձվում է տուգանք՝ պայմանագրի 1.1 կետում նախատեսված գումարի 0,5 (զրո ամբողջ հինգ տասնորդական) տոկոսի չափով: Ընդ որում՝ տուգանքը հաշվարկվում է նաև պայմանագիրը սահմանված ժամկետներում կատարելու, սակայն պետական մարմնի կողմից չընդունվելու, ինչպես նաև հաշվետվությունները պայմանագրով սահմանված ժամկետներում չներկայացնելու դեպքերում:

6.3 Պայմանագրով նախատեսված ծրագրի կատարման ժամկետը խախտելու դեպքում կազմակերպությունից յուրաքանչյուր ուշացված աշխատանքային օրվա համար գանձվում է տույժ՝ պայմանագրի 1.1 կետում նախատեսված գումարի 0,05 (զրո ամբողջ հինգ հարյուրերորդական) տոկոսի չափով:

6.4 Պայմանագրի 6.2 և 6.3 կետերով նախատեսված տուգանքը և տույժը հաշվարկվում և հաշվանցվում են միջոցառման իրականացման արդյունքում կազմակերպությանը վճարման ենթակա գումարների հետ: Տույժը հաշվարկվում է աշխատանքային օրերով՝ պայմանագրի չկատարված մասի գնի նկատմամբ:

6.5 Պետական մարմնի կողմից պայմանագրի 4.1 կետով նախատեսված ժամկետի խախտման դեպքում Պատվիրատուի նկատմամբ յուրաքանչյուր ուշացված աշխատանքային օրվա համար հաշվարկվում է տույժ՝ վճարման ենթակա, սակայն չվճարված գումարի 0,05 (զրո ամբողջ հինգ հարյուրերորդական) տոկոսի չափով:

6.6 Պայմանագրով չնախատեսված դեպքերում կողմերն իրենց պարտավորությունները չկատարելու կամ ոչ պատշաճ կատարելու համար պատասխանատվության են ենթարկվում ՀՀ օրենսդրությամբ սահմանված կարգով:

6.7 Տույժերի և (կամ) տուգանքի վճարումը Կողմերին չի ազատում իրենց պայմանագրային պարտավորությունները լրիվ կատարելուց:

7. Պայմանագրի գործողության ժամկետը

7.1. Պայմանագիրն ուժի մեջ է մտնում կողմերի ստորագրման պահից և գործում է մինչև կողմերի ստանձնած պարտավորությունների՝ ամբողջ ծավալով կատարումը: Սույն պայմանագրի գործողությունը տարածվում է կողմերի միջև 2022 թվականի հունվարի 1-ից ծագած հարաբերությունների վրա:

Պայմանագրով նախատեսված կողմերի իրավունքների և պարտականությունների կատարման պայման է հանդիսանում պայմանագիրը ՀՀ ֆինանսների նախարարության կողմից հաշվառված լինելու հանգամանքը:

8. Անհաղթահարելի ուժի ազդեցությունը (ՖՈՐՍ-ՄԱԺՈՐ)

8.1. Պայմանագրով նախատեսված պարտավորություններն ամբողջությամբ կամ մասնակիորեն չկատարելու համար կողմերն ազատվում են պատասխանատվությունից, եթե դա եղել է անհաղթահարելի ուժի ազդեցության հետևանքով, որը ծագել է պայմանագիրը կնքելուց հետո, և որը կողմերը չէին կարող կանխատեսել կամ կանխարգելել: Այդպիսի իրավիճակներն են երկրաշարժը, ջրհեղեղը, հրդեհը, պատերազմը, ռազմական և արտակարգ դրության հայտարարումը, քաղաքական հուզումները, գործադուլները, հաղորդակցության միջոցների աշխատանքի դադարեցումը, պետական մարմինների ակտերը և այլն, որոնք անհնարին են դարձնում պայմանագրով նախատեսված պարտավորությունների կատարումը: Եթե անհաղթահարելի ուժի ազդեցությունը շարունակվում է 3 ամսվանից ավելի, ապա կողմերից յուրաքանչյուրն իրավունք ունի լուծելու պայմանագիրը՝ դրա մասին նախապես տեղյակ պահելով մյուս կողմին:

9. Եզրափակիչ դրույթներ

9.1. ՀՀ օրենսդրությամբ սահմանված կարգով հաստատված դրամաշնորհային ծրագիրը (դրամաշնորհային ծրագիրը՝ պետք է բխի միջոցառումների նկարագրի պահանջներից և մեթոդական ցուցումներից) հանդիսանում է սույն պայմանագրի անբաժանելի մասը (հավելված 6):

9.2 այն դեպքում, երբ օրենքով նախատեսված կարգով օրենքի պահանջների կատարման նկատմամբ հսկողության կամ վերահսկողության կամ բողոքների քննության արդյունքում արձանագրվում է, որ մրցույթի գործընթացում, մինչև պայմանագրի կնքումը, պայմանագրի կողմը ներկայացրել է կեղծ փաստաթղթեր (տեղեկություններ և տվյալներ), կամ վերջինիս հաղթող կազմակերպություն ճանաչելու մասին որոշումը չի համապատասխանում սույն կարգի պահանջներին, ապա այդ հիմքերն ի հայտ գալուց հետո պետական մարմինը միակողմանիորեն լուծում է պայմանագիրը, եթե արձանագրված խախտումները մինչև պայմանագրի կնքումը հայտնի լինելու դեպքում, Հայաստանի Հանրապետության օրենսդրության համաձայն, հիմք կհանդիսանային պայմանագիրը չկնքելու համար: Ընդ որում՝ պետական մարմինը չի կրում պայմանագրի միակողմանի լուծման հետևանքով պայմանագրի կողմի համար առաջացող վնասների կամ բաց թողնված օգուտի ռիսկը, իսկ վերջինս պարտավոր է Հայաստանի Հանրապետության օրենքով սահմանված կարգով փոխհատուցել իր մեղքով պետական մարմնի կրած վնասներն այն ծավալով, որի մասով պայմանագիրը լուծվել է:

9.3. Եթե պայմանագիրն իրականացվում է համատեղ գործունեության (կոնսորցիումի) պայմանագիր կնքելու միջոցով, ապա այդ պայմանագրի մասնակիցները կրում են համատեղ և համապարտ պատասխանատվություն: Ընդ որում, կոնսորցիումի անդամի կոնսորցիումից դուրս գալու դեպքում պայմանագիրը միակողմանիորեն լուծվում է և կոնսորցիումի անդամների նկատմամբ կիրառվում են պայմանագրով նախատեսված պատասխանատվության միջոցները:

9.4. կազմակերպության կողմից ստանձնած պարտավորությունները չկատարելու կամ ոչ պատշաճ կատարելու հիմքով պայմանագիրն ամբողջությամբ կամ մասնակի միակողմանի լուծելու մասին ծանուցումը

պետական մարմինը հրապարակում է իր պաշտոնական՝ <https://www.mlsa.am/?cat=142> կայքում՝ նշելով հրապարակման ամսաթիվը:

9.5. Կազմակերպությունը, պայմանագիրը միակողմանի լուծելու վերաբերյալ, համարվում է պատշաճ ծանուցված՝ ծանուցումը, սույն կետով սահմանված հրապարակվելուն հաջորդող օրվանից: Պայմանագիրը միակողմանի լուծելու մասին ծանուցումը սույն կետում նշված կայքում հրապարակվելու օրը պետական մարմինը այն ուղարկվում է նաև կազմակերպության էլեկտրոնային փոստին:

9.6. Պայմանագրով ստանձնած պարտավորությունը դադարում է կատարման անհնարինությանը, եթե դա առաջացել է այնպիսի հանգամանքից, որի համար կողմերից որևէ մեկը պատասխանատու չէ՝ պայմանագրի կատարման անհնարինության մասին ողջամիտ ժամկետում գրավոր ծանուցելով մյուս կողմին: Այդ դեպքում կողմերը իրավունք չունեն միմյանցից պահանջելու պարտավորության կատարում: Սույն կետում նշված պայմանագրի կատարման անհնարինության մասին ողջամիտ ժամկետում մյուս կողմին չծանուցելու դեպքում՝ չծանուցող Կողմը պարտավորվում է մյուս կողմին վճարել տուգանք՝ պայմանագրի 1.1 կետում նախատեսված գնի 1 %-ի չափով:

9.7. Պայմանագրում կատարվող փոփոխությունները կամ լրացումներն իրավաբանական ուժ ունեն, եթե կազմված են գրավոր և ստորագրված են կողմերի կողմից:

9.8. Պայմանագիրը կնքվում է պայմանագրի կողմերի թվին համապատասխան թվով օրինակով, որոնք ունեն հավասարազոր իրավաբանական ուժ: Յուրաքանչյուր կողմին տրվում է պայմանագրի մեկ օրինակ:

9.9. Պայմանագրով նախատեսված պարտավորությունների չկատարման հետ կապված, ինչպես նաև սույն պայմանագրով չնախատեսված հարաբերությունները կարգավորվում են Հայաստանի Հանրապետության օրենսդրությամբ:

10. Կողմերի հասցեները, բանկային վավերապայմանները և ստորագրությունները

ՊԵՏԱԿԱՆ ՄԱՐՄԻՆ	ԿԱԶՄԱԿԵՐՊՈՒԹՅՈՒՆ
<p>ՀՀ աշխատանքի և սոցիալական հարցերի նախարարություն ք. Երևան, Կառավարական տուն-3 ՀՀ ՖՆ գործառնական վարչություն Հ/Ը 900011030666 ՀՎՀՀ 01506515</p>	<p>Անվանումը՝ «Լիարժեք կյանք» ներառական հասարակության խթանման հասարակական կազմակերպություն Հասցեն՝ ՀՀ, ք.Երևան, Նորաշեն թաղամաս, 36/121 «Ամերիկայան» ՓԲԸ Հ/Ը 1570018829580700 ՀՎՀՀ՝ 06405487</p>
Գլխավոր քարտուղար՝ Սամվել Սուրբաբյան	Նախագահ՝ Սուրեն Մաղաբյան
(անուն ազգանուն, ստորագրություն)	(անուն ազգանուն, ստորագրություն)

1914

Page 1

...

...

J. M. ...
A. ...
Ch. ...

...

**«ՏԵՍՈՂՈՒԹՅԱՆ ԽՆԴԻՐՆԵՐ ՈՒՆԵՑՈՂ ԱՆՁԱՆՑ ՍՈՑԻԱԼ-ՀՈԳԵԲԱՆԱԿԱՆ
ՎԵՐԱԿԱՆԳՆՈՒՄ» ԴՐԱՄԱՇՆՈՐՀԱՅԻՆ ԾՐԱԳՐԱՅԻՆ
ԱՌԱՋԱՐԿ**

Համառոտագիր

Ծրագիրը նպատակաուղղված է ապահովելու տեսողության խնդիրներով հաշմանդամություն ունեցող (չտեսնող) անձանց ինքնուրույն կենցաղավարման, տեղաշարժվելու, տրանսպորտից օգտվելու իրավունքը, ուսուցանելու և զարգացնելու անկախ կյանք վարելու հմտությունները, նպաստել նրանց սոցիալ-հոգեբանական խոչընդոտների հաղթահարմանը, սոցիալական ներառմանը հասարակություն:

Նպատակին հասնելու գործողությունները ներառում են և չեն սահմանափակվում հետևյալով տեսողության խնդիրներով հաշմանդամություն ունեցող անձանց սպիտակ ձեռնափայտով տեղաշարժվելու հմտությունների ուսուցանում և աջակցություն՝ հաղթահարելու սոցիալ-հոգեբանական բնույթի խոչընդոտները, ինչպես նաև մանր և խոշոր մոտորիկայի, լսողական ընկալման, շոշափելիքի, համի, հոտոտելիքի զգայարանների և դրանց արդյունավետ գործածման հմտությունների զարգացում, հավասարակշռության, ճիշտ կեցվածքի, ճիշտ քայլքի, որոշակի ուղղությամբ անշեղ քայլելու հմտությունների զարգացում: Տեղեկատվական տեխնոլոգիաների՝ համակարգչային և հեռախոսային սարքերի հատուկ ծրագրերի ուսուցում: Նախատեսվում է նաև տեսողության խնդիրներով հաշմանդամություն ունեցող անձանց մասնակցությամբ կազմակերպել տարաբնույթ միջոցառումներ, ինչպես նաև հասարակական նշանակության

Բարձրացնել հասարակության գիտակցությունը տեսողության խնդիրներ ունեցող անձանց հասարականան կյանքին միևնույնի հետ համահավասար մասնակցության հարցում առկա կարծրատիպերը:

Ծրագրի նկարագրություն

Հիմնախնդրի և կարիքի հիմնավորում

Տեսողության խնդիրներ ունեցող մարդիկ ամբողջ աշխարհում և Հայաստանում մշտապես բախվում են խնդիրների, ինչպիսիք են կրթական ռեսուրսների, տեղեկատվական մատչելիությունը և միջանձնային հարաբերությունները, և եթե հաշվի առնենք, որ Հայաստանում շատ քիչ են տեսողության խնդիրներ ունեցող անձանց տրամադրվող մասնագիտական ծառայություններ մատուցող կազմակերպություններն ու անհատները, հասկանալի է դառնում, որ վերը նշված խնդիրները տեսողության խնդիրներ ունեցող մարդկանց հետ, հաճախ, մնում են ամբողջ կյանքում:

Նկարագրեք ներկա վիճակը և հիմնավորեք՝ ինչու է անհրաժեշտ ծրագիրը:

Ազատ տեղաշարժի, տեղեկատվության, իրավունքների պաշտպանության, կրթական ռեսուրսների անմատչելիության պայմաններում տեսողության խնդիրներ ունեցող մարդիկ հնարավորություն չեն ունենում լիարժեք ինքնադրսևորվել, հաճախ կախված են իրենց ընտանիքիների անդամներից և չունեն անկախ կյանքով ապրելու հնարավորություններ:

Այսպիսի պայմաններում տուժում է անձի ոչ միայն կրթությունը, զբաղվածությունը, այլ նաև միջանձնային հարաբերություններ ստեղծելու հավանականությունը:

Ծրագրի անհրաժեշտությունը շատ մեծ է, քանի որ ծրագրին շահառուների ծրագրին մասնակցության արդյունքում կունենանք հասարակության մեջ իրենց տեղը գտած, հասարակական կյանքին մասնակցող, անկախ կյանքի հմտություններին տիրապետող անկախ անհատներ, ովքեր կկարողանան ունենալ սեփական նախաձեռնություններն ու հետաքրքրությունները: Ինչպես նաև մեծ ազդեցություն կլինի մյուս անձանց վրա և ընտանիքների, որտեղ կան թույլ տեսնող կամ չտեսնող անձինք, որոնք կցանկանան ստանալ անհրաժեշտ հմտություններ՝ ստանալ անկախ կյանք վարելու

հնարավորություն: Նաև հասարակությունը կսկսի առավել ուշադիր և հանդուրժող վարք և վերաբերմունք ցուցաբերել հասարակության վերը նշված անձանց հանդեպ:

Կազմակերպության փորձառությունը

«Լիարժեք կյանք» ներառական հասարակության խթանման հասարակական կազմակերպությունը նպաստում է հաշմանդամություն ունեցող անձանց համար հավասար հնարավորությունների ստեղծմանը և նրանց մասնակցությանը հասարակական կյանքի բոլոր ոլորտներում՝ կարողությունների զարգացման, շահերի պաշտպանության և հանրության իրազեկման:

Կազմակերպության կանոնադրությամբ սահմանված Նպատակները և խնդիրներն են

- Նպաստել հաշմանդամություն ունեցող անձանց զբաղվածության ապահովմանը՝ աջակցելով աշխատատեղերի ապահովմանը:
- Իրականացնել հասարակության խոցելի հատվածի (փախստականներ, ծնողազուրկ, կյանքի դժվարին իրավիճակներում հայտնված երեխաներ, անչափահաս իրավախախտներ) իրավունքների պաշտպանություն, սոցիալական աջակցություն և կրթության ապահովմանն ուղղված աշխատանքներ:
- Իրականացնել սոցիալական, հոգեբանական աջակցության ծրագրեր, ներառելով հաշմանդամություն ունեցող անձանց և ընտանիքներին:
- Նպաստել հաշմանդամություն ունեցող անձանց անկախ կյանքի կայացմանը, իրականացնելով նպատակային ծրագրեր:
- Նպաստել ՄԱԿ –ի «Կայուն զարգացման 2030 օրակարգում» ներառված կայուն զարգացման նպատակների կյանքի կոչմանը, իրականացնելով նպատակային ծրագրեր:

Ծրագրի նպատակը, խնդիրներն ու ակնկալվող արդյունքները

Ծրագրի նպատակն է նպաստել տեսողության խնդիրներով հաշմանդամություն ունեցող (չտեսնող) անձանց սոցիալական ներառումը հասարակություն՝ անկախ կյանք վարելու, ինքնուրույն կենցաղավարման, տեղաշարժվելու, համակարգչային հատուկ ծրագրերի ուսուցման, տրանսպորտից օգտվելու, տարածական կողմնորոշման և սոցիալ-հոգեբանական խոչընդոտների հաղթահարման հմտություններ զարգացնելու միջոցով:

Ծրագրի խնդիրներն են

- 1) Իրականացնել տեսողության խնդիրներ ունեցող 18 անձանց համար սոցիալ-հոգեբանական վերականգնման աշխատանքներ՝ սեմինար-պարապմունքների, դասընթացների միջոցով ուսուցանել տեղեկատվական տեխնոլոգիաների /համակարգչային, հեռախոսի և դյուր կիր այլ սարքավորումների հատուկ ծրագրերի, սպիտակ ձեռնափայտի միջոցով տեղաշարժման և կենցաղավարման հմտությունների ուսուցում՝
- 2) Տեսողության խնդիրներով հաշմանդամություն ունեցող անձանց համար իրականացնել մանր և խոշոր մոտորիկայի, լսողական ընկալման, շոշափելիքի, համի, հոտոտելիքի զգայարանների և դրանց արդյունավետ գործածման հմտությունների զարգացման, հավասարակշռության, ճիշտ կեցվածքի, ճիշտ քայլի, որոշակի ուղղությամբ անշեղ քայլելու հմտությունների, ինքնուրույն և անվտանգ տեղաշարժվելուն, միկրո և մակրո միջավայրերում անկախ և ինքնուրույն կյանք վարելու հմտությունների զարգացմանը ուղղված պարապմունքներ:
- 3) Կազմակերպել փոխօգնության սեմինար-հանդիպումներ, այդ թվում առցանց՝ հատուկ ծրագրի գործածմամբ/տեսողության խնդիրներ ունեցող անձանց, նրանց ընտանիքի անդամների մասնակցությամբ՝ կարծրատիպերի, վերաբերմունք և վախերի հաղթահարման, ինչպես նաև

տեսողության խնդիրներ ունեցող անձանց ինքնուրույնությունը զարգացնելու և անկախ կյանքով ապրելու հարցում պատրաստ լինելու խրախուսելու և աջակցելու համար:

- 4) Տեսողության խնդիրներով հաշմանդամություն ունեցող անձանց համար կազմակերպել տարաբնույթ միջոցառումներ, ինչպես նաև ապահովել իրենց համայնքում կազմակերպվող մշակույթային, մարզական և այլ համանման միջոցառումներին վերջիններիս մասնակցությունը, բացի նշվածից տեսանելիության և արդյունքների տարածման առավելագույն համար շահառուների հետ միասին ակտիվորեն մասնակցել ՁԼՄ միջոցառումների և իրազեկման արշավների:
- 5) Իրականացնել խորհրդատելակառուցական աջակցություն ծրագրում ընդգրկված տեսողության խնդիրներով անձանց և ընտանիքներին առողջապահական, սոցիալական-իրավական, կրթական և այլ հարցերի շուրջ, խորհրդատելակառուցական աջակցություն կարող են ստանալ նաև ծրագրում դեռևս չընդգրկված տեսողության խնդիրներով անձիք՝ զանգահարելով կազմակերպությունում գործող թեժ գծի 08000 13 11 հեռախոսահամարով:
- 6) Ապահովել շահառուների 7 օրյա ամառային հանգիստ «Լիարժեք կյանք ամառային ներառական ճամբար»-ում:

Արդյունքներն են

- Ձևավորել և զարգացնել է ծրագրում ընդգրկված թվով 18 շահառուների ինքնասպասարկման, կենցաղավարման հմտությունները:
- Բարելավել և զարգացել է ծրագրում ընդգրկված թվով 18 շահառուների կարողությունները, հմտությունները, ավելացել է համայնքային կյանքին նրանց լիարժեք մասնակցությանը; շահառուները գինվել են նրանց կարողություններին համարժեք գիտելիքներով և անկախ և ինքնուրույն կյանք վարելու կարողություններով, փոխել է վերաբերմունքն իրենց խնդիրների և շրջապատում իրենց ունեցած դերի նկատմամբ:
- Շահառուների մասնակցությամբ կազմակերպվել է նվազագույնը 2 միջոցառում՝ ուղղված վերջիններիս սոցիալական ներառմանը:
- Ծրագրի տեսանելիության և արդյունքների առավելագույն տարածման համար շահառուների հետ միասին առնվազը երկու հանրապետական սփռման ՁԼՄ-ով լուսաբանում:

Նշված արդյունքների գնահատման չափանիշներն են

- Շահառուների թվին համապատասխան սոցիալ-վերականգնողական անհատական ծրագրերի առկայություն:
- Շահառուների այցելությունների գրանցում այդ նպատակով պահվող մատյանում
- Հաճախումների պլանի /դասացուցակի/, մոդուլների առկայություն:
- Սոցիալ-վերականգնողական անհատական ծրագրերի իրականացման արդյունքում շահառուների մոտ կարողությունների և անկախ կյանքի հմտություններ 70% աճ, որը ստուգվում է սահմանված ժամկետներում իրականացված կարիքի գնահատման և թեստերի միջոցով:
- Ծառայություններ ստացած շահառուների և նրանց ընտանիքների առնվազն 90%-ի կողմից բավարարվածություն մատուցված ծառայություններից: Այս կետի չափումը իրականացման համար կիրառվում է խորին հարցազրույցի, տեղեկատվության հավաքագրման որակական մեթոդով՝ կազմակերպության մոնիթորինգի պատասխանատուի կողմից նախօրոք կազմված գնահատման թերթիկի հարցաշարով:

Գործողություններ

1.1 Նախարարության հետ համաձայնեցված մեթոդաբանության հիման վրա բազմամասնագիտական թիմի կողմից բոլոր շահառուների կարիքների և կարողությունների գնահատում/ոչ ուշ, քան կիսամյակը մեկ/ և սոցիալ-վերականգնողական անհատական զարգացման ծրագրի կազմում:

1.2 Շահառուի հետ աշխատող մասնագետների պարապմունքների, և ծառայությունների նախանշում՝ մշակված մոդուլների հիման վրա

1.3 Կարիքների գնահատում կիսամյակը մեկ անգամ, ավելի կարճ ժամանակահատվածով հաճախումների դեպքում՝ սկզբում և վերջում:

2.1 Ֆիզիկական պատրաստվածություն (չտեսնող անձանց ինքնուրույն և անվտանգ տեղաշարժվելուն ֆիզիկապես պատրաստելուն ուղղված գործնական միջոցառումներ:

2.2 պարապմունքներ և սպիտակ ձեռնափայտի միջոցով տեղաշարժման և կենցաղավարման հմտությունների ուսուցում՝ կենտրոնում , և/կամ կենտրոնի տարածքից դուրս/դաշտային աշխատանք/:

2.3 մանր և խոշոր մոտորիկայի, լսողական ընկալման, շոշափելիքի, համի, հոտոտելիքի զգայարանների և իրական կյանքում դրանց արդյունավետ գործածման հմտությունների զարգացման ուսուցողական վարժություններ, այդ թվում հավասարակշռության, ճիշտ կեցվածքի, ճիշտ քայլքի, որոշակի ուղղությամբ անշեղ քայլելու հմտությունների զարգացում:

3.1 սեմինարներ հմուտ բանախոսների աջակցությամբ, այդ թվում՝ հաջողության հասած հաշմանդամություն ունեցող անձինք, հատուկ մանկավարժներ և այլն):

3.2 Տեսողության խնդիրներով հաշմանդամություն ունեցող 18 անձանց համար կազմակերպել տարաբնույթ միջոցառումներ, ինչպես նաև ապահովել իրենց համայնքում կազմակերպվող մշակույթային, մարզական և այլ համանման միջոցառումներին վերջիններիս մասնակցությունը, կազմակերպել էքսկուրսիաներ:

3.3 Սեմինար-հանդիպումներ ընտանիքի անդամների հետ, որոնք միտված են օգնել և զարգացնել շահառուների ընտանիքի անդամների գիտելիքներն ու հմտությունները, որոնք կօգնեն նաև ինքնուրույն լուծել տարբեր առյաններում ի հայտ եկեղ խնդիրները:

3.4 կազմակերպել տարեկան 3 կամ ավելի միջոցառում՝ ուղղված շահառուների սոցիալական ներառմանը:

4.1 Հանրային երկու միջոցառման կազմակերպում և համայնքում կազմակերպվող մշակույթային, մարզական և այլ համանման թվով 3 կամ ավելի միջոցառումների շահառուների մասնակցության ապահովում:

4.2 Մասնակցել/նաև շահառուների հետ միասին/ հանրապետական սփռում ունեցող ՋԼՄ ունեցող հեռուստա կամ ռադիո հաղորդաշարի, որի ժամանակ ներկայացնել ծրագրի ընթացքը և հաջողության պատմությունները:

4.3 Կազմակերպության պաշտոնական վեբ կայքում և սոց. ցանցերի էջերում պարբերաբար տեղադրել ծրագրի առաջընթացի և շահառուների հաջողությունների մասին պատմող լուսաբանումներ:

5.1 Շահառուներին և թեժ գծով դիմած տեսողության խնդիրներ բոլոր անձանց սոցիալ-իրավական խորհրդատվության տրամադրում

5.2 Ծրագրի կողմից թեժ գծով/ 08000 13 11/ տրամադրվող խորհրդատվություն ստանալու հնարավորության մասին տարբեր հարթակներով տրամադրել տեղեկատվություն:

6.1 «Լիարժեք կյանք ամառային ներառական ճամբար» -ում շահառուների ամառային հանգստ կազմակերպում՝ ստացված գիտելիքների կիրառմամբ և , ամրապնդմամբ:

ԱՇԽԱՏԱՆՔԱՅԻՆ ՊԼԱՆ

Կազմակերպություն՝ «Լիարժեք կյանք» ներառական հասարակության խթանման ՀԿ
 Ծրագիր «Տեսողության խնդիրներ ունեցող անձանց սոցիալ-հոգեբանական վերականգնում՝ դեպի անկախ կյանք - 2022»

Ժամանակահատված՝ 01.01.2022թ. - 31.12.2022թ.

Հ/Հ	Գործողություն	Պատասխանատու	Ամիս														
			1	2	3	4	5	6	7	8	9	10	11	12			
1	Կարիքների և կարողությունների գնահատում և անհատական զարգացման ծրագրի մշակում	Ծրագրի համակարգող Բազմամասնագիտական թիմ															
2	Կենտրոնում և/կամ կենտրոնի տարածքից դուրս/դաշտային աշխատանք/ ծրագրի աշխատանքային ծավալներով նախատեսված կարողությունների զարգացման ուսուցում	Ծրագրի համակարգող Բազմամասնագիտական թիմ															
3	Սեմինար-հանդիպումներ և միջոցառումներ	Ծրագրի համակարգող Բազմամասնագիտական թիմ															
4	Հանրային միջոցառումներ և ՀԼՄ լուսաբանում	Ծրագրի ղեկավար Ծրագրի համակարգող Սոցիալական աշխատող															
5	Սոցիալ-իրավական խորհրդատվություն/ թեժ գիծ	Իրավախորհրդատվության և մոնիթորինգի մասնագետ															
6	Մարզա-մշակութային ամառային ճամբար	Ծրագրի ղեկավար Ծրագրի համակարգող Սոցիալական աշխատող															
7	Ծրագրի մշտադիտարկում և գնահատում	Ծրագրի ղեկավար Իրավախորհրդատվության և մոնիթորինգի մասնագետ															
8	Ծրագրային և ֆինանսական հաշվետվությունների կազմում	Ծրագրի ղեկավար Ծրագրի համակարգող Ծրագրի հաձկնասպան															

Ծրագրի շահառուները ու շահագրգիռ կողմերը

Շահառուներ՝

- Տեսողության խնդիրներ ունեցող (չտեսնող) թվով 18 անձ
- Տեսողության խնդիրներ ունեցող անձանց ընտանիքի անդամներ

Շահագրգիռները՝

- ՀՀ աշխատանքի և սոցիալական հարցերի նախարարություն
- Միասնական սոցիալական ծառայություն
- Երևանի քաղաքապետարան
- Երևանի Նիկողայոս Տիգրանյանի անվան թիվ 14 դպրոց
- Ա.Բաբաջանյանի անվան երաժշտամանակավարժական քոլեջ
- Երևանի վարչական շրջանների համապատասխան ստորաբաժանումներ
- Հայկական ակնաբուժության նախագիծ բարեգործական հիմնադրամ
- Հայաստանի կույրերի միավորում
- «Էրեբունի» պատմահնագիտական արգելոց-թանգարան

Ռիսկերի գնահատում

Ռիսկի նկարագրություն	Ազդող գործողությունը	Պատասխանատու	Կիրառելի ռազմավարություն
Տեսողության խնդիրներ ունեցող անձի կամ իր ընտանիքի կողմից իրենց իսկ իրավունքների ու շահերի պաշտպանությունից խուսափելը կամ անտեղյակ լինելը, կամ խնտրականությամբ պայմանավորված մեկուսացված լինելը:	Սոցիալ-հոգեբանական ծառայությունից դուրս մնալու հավանականություն Հասարակությունից մեկուսացվածություն	Ծրագրի համակարգող Սոցիալական աշխատող	Իրազեկման բարձրացմանն ուղղված ռազմավարության պլանի առկայություն
Համավարակի բռնկում շահառուների և բազմամասնագիտական թիմի շրջանում	ծառայության տրամադրման բնականոն ընթացքի խաթարում, ընդհուպ մինչև կենտրոնի փակում 14-օրյա ժամկետով	ծրագրի համակարգող	անհատական պաշտպանության միջոցների առկայություն կամ կիրառություն և սանիտարահամաճարակային անվտանգության կանոնների պահպանում
ԲՄԹ անդամների աշխատանքից հեռացում	ծառայության տրամադրման բնականոն ընթացքի խաթարում	ծրագրի ղեկավար	պահեստային մասնագետների ցանկ

<p align="center">ՊԵՏԱԿԱՆ ՄԱՐՄԻՆ</p> <p>ՀՀ աշխատանքի և սոցիալական հարցերի նախարարություն ք. Երևան, Կառավարական տուն-3 ՀՀ ՖՆ գործառնական վարչություն Հ/Հ900011030666 ՀԿՀՀ 01506515</p> <p>Գլխավոր քարտուղար Սամվել Մուրադյան</p> <p><i>(Սամվել Մուրադյան)</i></p> <p align="center">Կ.Ս. 066405487</p>	<p align="center">ԿԱԶՄԱԿԵՐՊՈՒԹՅՈՒՆ</p> <p>Անվանումը՝ «Լիարժեք կյանք» ներառական հասարակությանիթանման հասարակական կազմակերպություն Հասցեն՝ ՀՀ, ք.Երևան, Նորաշեն թաղամաս, 36/121 «Ամերիկայի» ՓԲԸ Հ/Հ 1570018829580700 ՀԿՀՀ 06405487</p> <p>Նախագահ՝ Արտն Մարտիրոսյան</p> <p><i>(Արտն Մարտիրոսյան)</i></p> <p align="center">Կ.Ս. 066405487</p>
--	--

Դրամաշնորհային հաշվետվություն N _____

1. Ընդհանուր տեղեկատվություն

Ծրագրի անվանում	
Դրամաշնորհի N	
Դրամաշնորհատու կազմակերպություն	
Դրամաշնորհառու կազմակերպություն	
Ծրագրի իրականացման ժամանակահատված	
Հաշվետու ժամանակահատված	
Ներկայացման օր	
Հաշվետվության պատասխանատու (անուն, ազգանուն, պաշտոն)	

2. Բովանդակային հաշվետվություն

2.1 Խնդրում ենք թվարկել աշխատանքային պլանով և պայմանագրի թիվ 1 հավելվածով սահմանված միջոցառումների (այսուհետ՝ միջոցառում) շրջանակում կատարման ենթակա գործողությունները հաշվետու ժամանակահատվածի համար:

--

2.2 Խնդրում ենք նկարագրել ծրագրի առաջընթացն՝ ըստ սահմանված աշխատանքային պլանի (Գանտի աղյուսակ) և միջոցառումների, նշելով՝ Ձեր կողմից իրականացված գործողությունները և ստացված արդյունքները հաշվետու ժամանակահատվածի համար: Որքանով են նշված գործողությունները նպաստել տվյալ ծրագրի խնդիրների/նպատակի իրականացմանը:

--

Խնդրում ենք նշել հաշվետու ժամանակահատվածում մշակված նյութերի համացանցում տեղադրված հղումները՝ առկայության դեպքում (օրենսդրական առաջարկություններ, համառոտագրեր, հաշվետվություններ, մեդիա պրոդուկտներ և այլն)

2.3 Խնդրում ենք ներկայացնել հաշվետու ժամանակահատվածում քաղած դասերը և/կամ ծագած խնդիրները, որոնք խոչընդոտել են ծրագրի գործողությունների իրականացմանը:

2.4 Խնդրում ենք թվարկել հաջորդ հաշվետու ժամանակահատվածի համար նախատեսված գործողությունները (կցելով նաև շահառուների ցուցակը):

2.5 Խնդրում ենք նշել, Ձեր կողմից իրականացված այն գործողությունները, որոնք նախատեսված չեն եղել ծրագրի աշխատանքային պլանով, բայց իրականացվել են ծրագրի նպատակին հասնելու համար:


<p style="text-align: center;">ՊԵՏԱԿԱՆ ՄԱՐՄԻՆ</p> <p>«Աշխատանքի և սոցիալական հարցերի նախարարություն ք. Երևան, Կառավարական տուն-3 «ՖՆ գործառնական վարչություն Հ/Հ 900011030666 ՀՎՀՀ 01506515 Գլխավոր քարտուղար՝ Սամվել Ենուբադյան  (անուն ազգանուն, ստորագրություն)</p> 	<p style="text-align: center;">ԿԱԶՄԱԿԵՐՊՈՒԹՅՈՒՆ</p> <p>Անվանումը՝ «Լիարժեք կյանք» ներառական հասարակության խթանման հասարակական կազմակերպություն Հասցեն՝ ՀՀ, ք.Երևան, Լորաշեն թաղամաս, 36/121 «Ամերիաբանկ» ՓԲԸ Հ/Հ 1570018829580700 ՀՎՀՀ 06405487 Նախագահ՝ Սուրեն Մաղաքյան  (անուն ազգանուն, ստորագրություն) Կ. Տ.</p> 
--	---

ՀԱՆՎԵՏՎՈՒԹՅՈՒՆ

ՀՀ 202___ թվականի պետական բյուջեիամսում փութիլուն ծախսերի գծով փոխհատուցման ենթակա և հաստատուն ծախսերի գծով փաստացի կատարված ծախսերի վերաբերյալ


Ծախսային հոդվածներ	Հաստատված գումարը		Նախահաշիվ		Հաշվետու ժամանակահատվածում					Տարեկազմից ամբողջական		
	Ցուցանիշ	Դեռական բյուջեից	Այլ միջոցներից	Նախատեսված	Պետական բյուջեից փոխհատուցման ենթակա գումարը	Այլ միջոցներից կատարված փոխհատուցման միջոցներ	Տախսատեսված գումարը	Պետական բյուջեից փոխհատուցման ենթակա գումարը	Այլ միջոցներից կատարված փոխհատուցման ենթակա գումարը	Այլ միջոցներից կատարված փոխհատուցման ենթակա գումարը	Այլ միջոցներից կատարված փոխհատուցման ենթակա գումարը	Այլ միջոցներից կատարված փոխհատուցման ենթակա գումարը
Տնտեսագիտական դասակարգման սինթետիկ հաշիվների անվանումը	Ճանկա գիրք											
1	3	4	5	6	7	8	9	10	11	12		
ԸՆԴԱՄԵՆԸ ԾԱԽՍԵՐ	x	0.0	0.0	0.0	0.0	0.0	0.0	0.0	0.0	0.0		
Աշխատողների համընթաց աշխատավարձեր և աշխատավարձեր	4100											
Էներգետիկ ծախսեր	4212											
Կոմունալ ծախսեր	4213											
Կապի ծախսեր	4214											
Ապահովագրական ծախսեր	4215											
Գույքի և սարքավորումների վարձակալություն	4216											

ՊԵՏԱԿԱՆ ՄԱՐԻՆ
 ՀՀ պաշտպանի և սոցիալական հարցերի նախարարություն
 ք. Երևան, Կառավարական տուն-3
 ՀՀ ՖՆ գործառնական վարչություն
 Հ/Հ 900011030666
 Հ/Հ 01506515
 Գլխավոր ծախսողար՝ Ստեփան Սուրադյան



Կ. Ս.

ԿԱԶՄԱԿԵՐՊՈՒԹՅՈՒՆ
 Անվանումը՝ «Լիարժեք կանք» ներառական հասարակության խթանման հասարակական կազմակերպություն
 Հասցեն՝ ՀՀ, ք. Երևան, Լորաշեն թաղամաս, 36/121
 «Ամերիաբանկ» ՓԲԸ
 Հ/Հ 1570018829580700
 Հ/Հ 06405487
 Նախագահ՝ Արթուր Ասողյան



(անուն ազգանուն, ստորագրություն)

ՎՃԱՐՄԱՆ ԺԱՄԱՆԱԿԱՑՈՒՅՑ*

<< հազ. դրամ

հրավերով նախատեսված չափաբաժնի համարը		Մրցույթի պլանով նախատեսված (CPV) կոդը	անվանումը	Միջոցառման												
				Կատարման դիմաց վճարումները նախատեսվում է իրականացնել 2022 թ-ին՝ ըստ ամիսների, այդ թվում**												
Լոտ 1	99999999/574	Տեսողության խնդիրներ ունեցող անձանց սոցիալ-հոգեբանական վերականգնում	Ստիդիսպ	1237.8	1857.5	2474.2	3098.3	3715	4331.7	4955.8	5572.5	6166.9	6805.9	7430.0	7430.0	Ընդամենը
				619.2												

* Վճարման ենթակա գումարները ներկայացվում են ամողական կարգով: Եթե պայմանագիրը կնքվում է մինչև ֆինանսական միջոցների նախադեբետոյը, ապա սույն ժամանակացույցը լրացվում և կնքվում է ֆինանսական միջոցներ նախադեբետոյը դեպքում կողմերի միջև կնքվող համաձայնագրի ինչ միաժամանակ՝ որպես դրա անբաժանելի մաս:
** հրավերում գումարները նշվում են փոկոտով, իսկ պայմանագիրը կնքելիս փոկոտը փոխարեն նշվում է կրեկրեղ գումարի չափ

<p>ՊԵՏԱԿԱՆ ՄԱՐՄԻՆ</p> <p>ՀՀ աշխատանքի և սոցիալական հարցերի նախարարություն Ք. Երևան, Կառավարական տուն-3 ՀՀ ՖՆ գործառնական վարչություն Հ/Ը 900011030666 ՀՎՀՀ 01506515</p> <p>Գլխավոր քարտուղար՝ Սամվել Մուրադյան</p>  <p>(անուն և գրանուն, տնօրագրություն) Կ. Տ.</p>	<p>ԿԱԶՄԱՎԵՐՊՈՒԹՅՈՒՆ</p> <p>Անվանումը՝ «Լիարժեք կյանք» ներառական հասարակության խթանման հասարակական կազմակերպություն Հասցեն՝ ՀՀ, ք.Երևան, Նորաշեն թաղամաս, 36/121 «Ամերիկայանկ» ՓԲԸ Հ/Ը 1570018829580700 ՀՎՀՀ 06405487</p> <p>Նախագահ՝ Ալբին Մարգարյան</p>  <p>(անուն և գրանուն, տնօրագրություն) Կ. Տ.</p>
--	--

Պայմանագրի կողմ

Պետական մարմին

գտնվելու վայրը _____
 հի _____
 հվհի _____

գտնվելու վայրը _____
 հի _____
 հվհի _____

ԱԿՏ N
ՊԱՅՄԱՆԱԳՐԻ ԿԱՄ ԴԻԱ ՄԻ ՄԱՍԻ ԿԱՏԱՐՄԱՆ ԱՐԴՅՈՒՆՔՆԵՐԻ
ՀԱՆՁՆԱՆ-ԸՆԴՈՒՆՄԱՆ

« » « » 20 թ.

Պայմանագրի /այսուհետ՝ Պայմանագիր/ անվանումը՝

Պայմանագրի կնքման ամսաթիվը՝ « » « » 20 թ.





Պայմանագրի համարը՝ _____

Պետական մարմինը և Պայմանագրի կողմը՝ հիմք ընդունելով պայմանագրի կատարման վերաբերյալ ներկայացված — հաշվետվությունը, կազմեցին սույն արձանագրությունը հետևյալի մասին.

Պայմանագրի շրջանակներում Պայմանագրի կողմը իրականացրել է հետևյալ միջոցառումները՝

N	անվանումը	գործառույթի համառոտ նկարագիրը	Իրականացված միջոցառման				Վճարման ենթակա գումարը /հազար դրամ/	Վճարման ժամկետը /ըստ պայմանագրի/
			արդյունքը		կատարման ժամկետը			
			ըստ պայմանագրի	փաստացի	ըստ պայմանագրի	փաստացի		

Սույն արձանագրության երկկողմ հաստատման համար հիմք հանդիսացած հաշիվ ապրանքագիրը և հաշվետվությունը հանդիսանում են սույն արձանագրության բաղկացուցիչ մասը և կցվում են:

<p>ՊԵՏԱԿԱՆ ՄԱՐՄԻՆ ՀՀ աշխատանքի և սոցիալական հարցերի նախարարություն ք. Երևան, Կառավարական տուն-3 ՀՀ ՖՆ գործառնական վարչություն Հ/Հ 900011030666 ՀՎՀՀ 01506515 Գլխավոր քարտուղար՝ Սամվել Մուրադյան  (անուն ազգանուն, ստորագրություն)  Կ. Տ.</p>	<p>ԿԱԶՄԱԿԵՐՊՈՒԹՅՈՒՆ Անվանումը՝ «Լիարժեք կյանք» ներառական հասարակության խթանման հասարակական կազմակերպություն Հասցեն՝ ՀՀ, ք. Երևան, Նորաշեն թաղամաս, 36/121 «Ամերիաբանկ» ՓԲԸ Հ/Հ 1570018829580700 ՀՎՀՀ 06405467 Նախագահ՝ Շիրեն Ստոյարյան  (անուն ազգանուն, ստորագրություն)  Կ. Տ.</p>
--	--

ԴՐԱՄԱՆՇՆՈՐՀԱՅԻՆ ԾՐԱԳԻՐ ՄԻՋՈՑԱՌՈՒՄՆԵՐ

NN ը/կ	Դրամաշնորհի միջոցների հաշվին իրականացվող միջոցառման					պահանջվող գումարը (դրամ)
	նկարագիրը	կազմակերպության կողմից կատարման ենթակա գործողությունները	ակնկալվող արդյունքները և դրանց գնահատման չափանիշները	միջոցառման իրականացման վերջնաժամկետը	հաշվետվության ներկայացման կարգն ու ժամկետը	
	Ծրագրի հիմնական նպատակն է ապահովել տեսողության խնդիրներով հաշմանդամությամբ սոցիալապես հոգեբանական և վերականգնող մ (չտեսնող) անձանց ինքնուրույն կենցաղավարման, տեղաշարժվելու և, տրանսպորտից օգտվելու իրավունքը, ուսուցանել և գարգացնել անկախ կյանք	Ծրագրի սկզբում իրականացվում է կարիքների և կարողությունների գնահատում, Գնահատման արդյունքում մշակվում է սոցիալ- վերականգնողական անհատական ծրագիր, Սոցիալ- վերականգնողական անհատական ծրագրում նախանշվում են 2ահառուի հետ իրականացվող ծառայությունները: Կարիքների գնահատումն	Ըստ 2ահառուների թվի սոցիալ- վերականգնողական անհատական ծրագրերի արևայություն: Շահառուների այցելությունների գրանցում այդ նպատակով պահվող մատյանում: Կազմակերպություն ում հաճախումների պլանի /դասացուցակի/ առկայություն: Սոցիալ- վերականգնողական անհատական ծրագրերի	31.12.2022	Կատարված աշխատանքների վերաբերյալ կազմակերպությունը ներկայացնում է աննական հաշվետվություն և կատարված աշխատանքների արդյունքային դրական ցուցանիշների ապահովման ուղղությամբ ետամսյակը մեկ անգամ տեղեկատվություն է ներկայացնում նախարարություն:	7 430 000 (յոթ միլիոն չորս հարյուր երեսուն հազար) ՀՀ դրամ

	<p>վարելու հնտություններ, նպաստել նրանց սոցիալ-հոգեբանական խոչընդոտների հաղթահարմանը, սոցիալական ներառմանը հասարակություն:</p> <p>Ծրագիրն իրականացվում է դրամաշնորհի տրամադրման մրցույթում հաղթող ճանաչված կազմակերպության (այսուհետ՝ կազմակերպություն) կողմից: Ծրագրի շրջանակներում իրականացվում է տեսողության խնդիրներով հաշմանդամությամբ</p>	<p>իրականացվում է կիսամյակը մեկ անգամ, և ըստ անհրաժեշտության կամ ավելի կարճ ժամանակահատվածով հաճախումների դեպքում՝ սկզբում և վերջում:</p> <p>Գնահատումը պետք է իրականացնի կազմակերպությունը՝ ըստ նախարարության հետ համաձայնեցված մեթոդաբանության (կցվում է)::</p>	<p>իրականացման արդյունքում 70% շահառուների մոտ արձանագրել կարողությունների և անկախ կյանքի հնտություններ աճ:</p>	<p>(info@mlsa.am էլեկտրոնային հասցեին ուղարկելու միջոցով)</p>	
	<p>Չտեսնող անձանց ինքնուրույն և անվտանգ տեղաշարժվելու, ինքնուրույն կենցաղավարման հնտություններ ուսուցանելու նպատակով՝ ծրագրի շրջանակներում իրականացվում են՝</p> <ul style="list-style-type: none"> • սեմինարներ հմուտ բանախոսների 	<p>Չտեսնող անձանց ինքնուրույն և անվտանգ տեղաշարժվելու, ինքնուրույն կենցաղավարման հնտություններ ուսուցանելու նպատակով՝ ծրագրի շրջանակներում կարողությունների հզորացմանը, հնտությունների զարգացմանը, համայնքային</p>	<p>Ձևավորել և զարգացնել շահառուների ինքնասպասարկման, կենցաղավարման հնտությունները: Նպաստել շահառուների կարողությունների հզորացմանը, հնտությունների զարգացմանը, համայնքային</p>		

<p>յուն ունեցող (չտեսնող) անձանց (այսուհետ՝ շահառու) սպիտակ ձեռնասփայտով տեղաշարժվելու</p> <p>1</p> <p>հնտություններ ի ուսուցանում և աջակցություն՝ հաղթահարելու սոցիալ-հոգեբանական բնույթի խոչընդոտները :</p> <p>Ծառայությունների տրամադրման կազմակերպում և իրականացվում է</p> <p>«Հաշմանդամություն ունեցող անձանց իրավունքների մասին» ՀՀ օրենքին</p>	<p>աջակցությամբ, այդ թվում՝ հաջողության հասած հաշմանդամություն ունեցող անձինք, հատուկ մանկավարժներ և այլն).</p> <ul style="list-style-type: none"> • չտեսնող անձանց ֆիզիկական պատրաստվածություն (չտեսնող անձանց ինքնուրույն և անվտանգ տեղաշարժվելուն ֆիզիկապես պատրաստելուն ուղղված միջոցառումներ. • սեմինար-հանդիպումներ ընտանիքի անդամների հետ, որոնք միտված են օգնել շահառուների ընտանիքի անդամներին հաղթահարելու իրենց հարազատի ֆիզիկական խնդրի հանդեպ կարծրատիպերը, 	<p>կյանքին նրանց լիարժեք մասնակցությամբ, ուսուցանել նրանց կարողություններին համարժեք գիտելիքներ, զարգացնել անկախ և ինքնուրույն կյանք վարելու կարողությունները, փոխել վերաբերմունքն իրենց խնդիրների և շրջապատում իրենց ունեցած դերի նկատմամբ: Շահառուների մասնակցությամբ կազմակերպվում է տարեկան նվազագույնը 2 միջոցառում՝ ուղղված շահառուների սոցիալական ներառմանը:</p>	
---	--	---	--

համապատաս
խան:

վերաբերմունքը,
վախերը և
պատրաստ լինելու
աջակցել նրանց
ինքնուրույնությունը
զարգացնելու
հարցում.

- համակարգչայի
ն հատուկ ծրագրերի
և կենցաղավարման
հմտությունների
ուսուցում.

- էքսկուրսիաների
կազմակերպում.

- հատուկ
մանկավարժի
պարապմունքներ,
որոնց նպատակն է
մանր և խոշոր
մոտորիկայի,
լտղական
ընկալման,
շոշափելիքի, համի,
հոտոտելիքի
զգայարանների և
դրանց արդյունավետ
գործածման
հմտությունների
զարգացումը,
հավասարակշռությա
ն, ճիշտ կեցվածքի,
ճիշտ քայլի.

<p>Ընդամենը</p>								

որոշակի ուղղությամբ անշեղ քայլերու հնտությունների զարգացում.



- սպիտակ ձեռնափայտի միջոցով տեղաշարժման ուսուցում, որը ներառում է շոշափելի տարրական պատկերներ գծելը, շոշափելի քարտեզների կազմելը և կիրառելը, սպիտակ ձեռնափայտի կիրառելը:

Խորհրդատվություն շահառուների ընտանիքի անդամներին:

Լրացուցիչ դրույթներ

Հաշմանդամություն ունեցող անձանց ծառայություններ մատուցելու նպատակով կազմակերպությունը պետք է ապահովի տարածքի մատչելիությունը (թեքահարթակ, վերելակ, սանհանգույց, հարմարեցված գույք և այլն), տրանսպորտային միջոցի առկայություն՝ շահառուների տեղափոխումը ըստ անհրաժեշտության կազմակերպելու նպատակով և ունենա մասնագիտական անձնակազմ:

Նախընտրելի է ծառայությունը մատուցել նաև մարզերում, ուստի մարզերում և Երևանում գործունեություն իրականացնող մի քանի կազմակերպությունների դիմելու դեպքում, նախապատվությունը առնվազն 1 լուտով կտրվի մարզում գործունեություն ծավալող կազմակերպությանը:

<p>ՊԵՏԱԿԱՆ ՄԱՐՄԻՆ</p> <p>ՀՀ աշխատանքի և սոցիալական հարցերի նախարարություն ք. Երևան, Կառավարական տուն-3 ՀՀ ՖՆ գործառնական վարչություն Հ/Հ 900011030666 Հ/Հ 01506515</p> <p>Գլխավոր քարտուղար՝ Սամվել Արարայան</p>  <p>(անուն օգգանուն, ստորագրություն) Կ. Տ.</p>	<p>ԿԱՋՄԱԿԵՐՊՈՒԹՅՈՒՆ</p> <p>Անվանումը՝ «Լիարժեք կյանք» ներառական հասարակության խթանման հասարակական կազմակերպություն Հասցեն՝ ՀՀ, ք. Երևան, Նորաշեն թաղամաս, 36/121 «Ամերիաբանկ» ՓԲԸ Հ/Հ 1570018829580700 Հ/Հ 06405487</p> <p>Նախագահ՝ Սուրեն Մարաբյան</p>  <p>(անուն ագգանուն/ստորագրություն) Կ. Տ.</p>
--	--